

遺山文集

十一之四


庫文閣内			
四函	三五二	漢	
一册	一	書	
架	冊號類		

庫文閣内			
三六函	三五二	漢	
一册	一	書	
架	冊號類		

五言絕句
六言
七言絕句

内閣文庫			
番號	漢	3521	
冊數	12 (5)		
函號	316	34	





遺山先生文集卷第十一

淺草文庫

五言絕句

洛陽高少府瀍陽後庵五首

溪上弄明月風露發新警
 心空無一塵萬竹掃秋影
 隨人意蔬畦後芋溝風波
 河洛迤莫放出山流
 葦早春先綠
 菘肥秋未黃
 殷勤遠畦水終日為君忙
 境逾靜林疎秋已分清溪
 一片月脩竹四山雪
 方外人長樂山中物自幽
 百年梅福隱萬古謫仙游



內鄉襍詩

犬吠桃源近鶯聲柳巷深
 蒼苔留醉卧青竹伴幽尋

薛明府去思口號七首

能吏尋常見，公廉第一難。
只從明府到人信，有清官
畫諾由官長，昂頭顧吏頻。
只從明府到判筆，不傳神
麋鹿山中盡，公厨破幾錢。
只從明府到獵戶，得安眠。
木索人何罪，累累蒲獄中。
只從明府到牢戶，二年空
驛舍無秋酒，清談了送迎。
即看明府去，畫鼓有新聲。
舊日逃亡屋，鎌鉏色色新。
即看明府去，還作賣牛人。
疾惡看平日，天然御史材。
豪華休鼓舞，駉馬即西來。

山居雜詩六首

瘦竹藤斜挂，幽花草亂生。
林高風有態，苔滑水無聲。

石潤雲先動，橋平水漸過。
野陰添晚重，山意向秋多。
樹合秋聲滿，村荒暮景閑。
虹收仍白雨，雲動忽青山。
川迥楓林散，山深竹港幽。
踈煙沉去鳥，落日送歸牛。
漲落沙痕出，堤摧岸口斜。
斷橋堆聚沫，高樹罨浮槎。
鷺影兼秋靜，蟬聲帶晚涼。
陂長留積水，川澗盡斜陽。

梁父吟扇頭

孔明箕踞坐大石
上望月作梁父吟

槃礴萬古心，塊石入危坐。
青天一明月，孤唱誰與和。
南樓月夕望鳳山，有懷武鍊師子和。
相望不相見，山中君得知。
南樓今夜月也到，洗滌池

辛亥寒食

寒食年好今年迥不同秋千與花影併在月明中年

山中晚春

雲光金碧聚林煙綠翠新山花發較晚今年兩見春

得緯文兄書

鵲語喜復喜山城誰與娛青燈一盃酒千里故人書

乙巳九月二十八日作

園山小雪後絮帽北風前殘月如新月今年老去年

六言

定齋兄寫真

朱黃筆底三篋白黑胷中兩卷畫作蕭然野服雲龍

蔽日駭駭

巨然秋山為鄧州相公賦

筆端游戲三昧物外平生往還為尚阿師竹在白雲

依舊青山

德和墨竹扇頭

靜裏離離新粉動時細細清香明月清風自在紅塵

白日何妨

嫩香新粉墨離
離李長吉竹詩

曹得一扇頭

機中秦女仙去月底梅花晚開只見一枝疎影不知

何處香來

唐子達扇頭

溪光冷於冰山骨淨如玉白雲自老人自閑莫遣秋風破茅屋

七言絕句

論詩三十首

丁丑歲三鄉作

漢謠魏什久紛紜正體無人與細論誰是詩中疏鑿手暫教涇渭各清渾

曹劉坐嘯虎生風四海無人角兩雄可惜并州劉越石不教橫槊建安中

鄴下風流在晉多壯懷猶見鉄壺歌風雲若恨張華

少温李新聲柔爾何

鍾嶸評張華詩恨其兒女情多風雲氣少

一語天然萬古新豪華落盡見真淳南窓白日義皇

上未害淵明是晉人

柳子厚晉之謝靈運陶淵明唐之白樂天

縱橫詩筆見高情何物能澆魄磊平老阮不狂誰會

得出門一笑大江橫

心畫心聲總失真文章仍復見為人高情千古閑居

賦爭信安仁拜路塵

慷慨歌謠絕不傳穹廡一曲本天然中州萬古英雄

氣也到陰山敕勤川

沈宋橫馳翰墨場風流初不廢齊梁論功若准平吳

例合着黃金鑄子昂

嘲靡誇多費覽觀陸文猶恨冗於潘心聲只要傳心

了布穀潤翻可是難陸蓋而潘靜語見世說

排比鋪張特一途藩籬如此亦區區少陵自有連城

壁爭索微之識砭砭事見元稹子美墓誌

眼慶心生句自神暗中摸索總非真畫圖臨出秦川

景親到長安有幾人

望帝春心託杜鵑佳人錦瑟怨華年詩家總愛西崑

好獨恨無人作鄭箋

萬古文章有坦途縱橫誰似玉川盧真書不入今人

眼兒筆從教鬼畫符

出處殊途聽所安山林何得賤衣冠華歆一擲余隨

重大是渠儂被眼謾

筆底銀河落九天何曾顛悴飯山前世間東林西塗

手枉着書生待魯連

切切秋蟲萬古情燈前山鬼淚縱橫鑑湖春好無人

賦岸夾桃花錦浪生

切響浮聲發巧深研摩雖苦果何心浪翁水樂無宮

微自是雲山韶濩奇

水樂次山事又其欵乃曲云停梳靜聽曲中意好是雲山韶濩音

東野窮愁死不休高天厚地一詩囚江山萬古潮陽

筆合在元龍百尺樓

萬古幽人在澗阿百年孤憤竟如何無人說與天隨

子春草輸贏校幾多

天隨子詩魚多藥草在南榮含有新苗次第生稚子不知名品上恐隨春草闌輸贏

謝客風容映古今發源誰似柳洲深朱絃一拂遺音

在却是當年寂寞心

窘步相仍死不前唱疇魚復見前賢縱橫正有凌雲

筆俯仰隨人亦可憐

奇外無奇更出奇一波繞動萬波隨只知詩到蘇黃

盡滄海橫流却是誰

曲學虛荒小說欺俳諧怒罵豈詩宜令人含笑古人

拙除却雅言都不知

有情芍藥含春淚無力薔薇卧晚枝拈出退之山石

句始知渠是女郎詩

亂後玄都失故基看花詩在只堪悲劉郎也是人間

客枉向春風怨兔葵

金入洪鑪不厭頻精真那計吏織塵蘇門果有忠臣

在肯放坡詩百態新

百年總覺古風迴元祐諸人次第來諱学金陵猶有

說竟將何罪廢歐梅

古雅難將子美親精純全失義山真論詩寧下涪翁

拜未作江西社裏人

池塘春草謝家春萬古千秋五字新傳語閉門陳正
字可憐無補費精神
撼樹蚍蜉自覺狂書生技癢慶論量老來留得詩千
首却被何人校短長

文湖州草蟲為劉使君賦

造物無心筆有神翩翩飛動百年新蟲魚瑣細君休
笑學會屠龍老却人

京都元夕

袷服華粧着慶逢六街燈火鬧兒童長衫我亦何為

者也在游人笑語中

四園

百草千花雨氣新今朝陌上有游塵皇州春色濃於
酒醉殺西園秋舞人

藍采和像

長板高歌本不狂兒曹自為百錢忙幾時逢着藍衫
老同向春風舞一場

鴛鴦扇頭

雙宿雙飛百自由人間無物比風流若教解語終須
問有底愁來也白頭

杏花雜詩十三首

杏花牆外一枝橫，半面宮粧出曉晴。
看盡春風不迴首，寶兒元自太憨生。

露華浥浥泛晴光，睡足東風倚綠窓。
試遣紅粧映銀燭，湘桃爭合伴僊郎。

嫋嫋纖條映酒^升缸，綠嬌紅小不勝憐。
長年自笑情緣在，猶要春風慰眼前。

煖日園林可散愁，每逢花處儘遲留。
青旗知是誰家酒，一片春風出樹頭。

紛紛紅紫不勝稠，爭得春光競出頭。
却是梨花高一着，隨宜梳洗儘風流。

露浥清華粉自添，隔溪遙見玉簾苫。
眼看桃李飄零盡，更揀繁枝挿帽簷。

小橋南北夢幽尋，殘醉青騰不易禁。
一樹杏花春寂寞，惡風吹折五更心。

西山漠漠有魚中，幾日園林幾樹紅。
燕子啣將春色去，錯交人恨五更風。

屈指殘春有別期，春風爭忍片紅飛。
若為釀得个日酒，醉著東君不放歸。

楚客離魂不易招，野春平碧水迢迢。
垂楊也被多情

惱瘦損春風十萬條

小雨班班曉未勻烟光水色畫難真西園春物知多

火一樹垂楊惱殺人

魏紫姚黃有重名洛陽車馬鬧清明吹殘桃李風終

定可是東君別有情

紅粧翠蓋惜風流春動香生不自由莫向芸齋厭閑

冷小詩供作錦纏頭

歸渥嚙三清之瑞露春動七情咀五色之靈芝香生九竅

出京

巫峽歸雲底處尋高城渺渺暮煙沉春風不剪垂楊
折繫盡行人北望心

惠崇蘆鴈三首

寒沙折葦靜相依故國春風早晚歸意外羈棲誰畫

得羽毛單薄稻梁微

鴈奴辛苦候寒更夢破黃蘆雪打聲休道畫工心獨

苦題詩人也白頭生

江湖牢落太愁人同是天涯萬里身不似畫屏金孔雀

雀離離花影淡生春

早起

北舍南鄰獨樂聲袂衣晨起覺秋清豆田欲熟朝朝
雨喚殺雙鳩不肯晴

書生

書生千古一蓬腸蓋世功名不自償更笑登封武明
府兩盃白粥半生忙

銅雀臺瓦硯

愛惜鈿花洗又看畫欄桂樹雨聲寒千年不作鴛鴦
去喚得書生笑老瞞

步虛詞三首

後二首三
卿時作

閨苑仙人白錦袍海山宮闕醉蟠桃三更月底鸞聲
急萬里風頭鶴背高

萬神朝罷出通明和氣歡聲滿玉京見說人間有新

異綠章封事謝升平

琪樹明霞碧落宮歌音嫋嫋度冷風人間聽得霓裳
慣猶恐鈞天是夢中

拙庵為溫甫賦

毫端棘末幾人爭愚智相懸賦分平畢竟世間誰是
巧鬢毛愁白可憐生

風雨停舟圖

老木高風作意狂青山和雨入微茫畫圖喚起扁舟
夢一夜江聲撼客床

納涼張氏庄二首

小橋深竹午風便一道垂楊帶亂蟬山下行人遮日
去却從茅屋問瓜田

樹陰環合水縈回樹下行人坐綠苔絕似蓑蒙山下

路眼中唯欠繫舟鬼蓑蒙繫舟皆鄉中山鄉人謂之繫舟鬼

送窮

日吉時良利動遷可厭顏巷卜終焉主人不倦星奴
倦辛苦年年縛草舡

楊柳

楊柳青青溝水流鶯兒調舌弄嬌柔桃花記得題詩
客斜倚春風笑不休

梁縣道中

青山簇簇樹重重人在春雲浩蕩中也是杏花無意
况一枝臨水卧殘紅

自題寫真二首

山林日月老潛夫骨入窮泉未擬枯幽澗有冰含大

古無人和玉試洪鑪孫綽雖汲泉壞尸且不朽

一派春煙澹不收漁家已許借扁舟山林且漫蹉跎

去莫問人間第幾流

再題

高談世事真何者多竊時名亦偶然山鹿野麋君自

看擬從何地著貂蟬

吳子英^家靈照圖二首

舡入西江萬有空漉籬沽計百錢功阿靈了却無生
話想得蕭然似卷中

抱犢山高記洛川寸腸西去似繩牽而今恰羨寵家

好兒女生來只眼前

時女嚴在盧氏
約歸寧未至

劉鄧州家聚鴨圖

沙浦空明洲景微枯荷折蒂澹相依若為化作江鷗
去拍拍隨君貼水飛

戊子正月晦日內卿西城遊眺

雄蜂雌蝶為花狂陌上遊人醉幾場前日少年今一
髮却來閑處看春忙

長壽山居元夕

微茫燈火共荒村黃葉漫山雪擁門三十九年何限
事只留孤影伴黃昏

聞仲澤丁內艱

升堂未幾訃音聞凶服衰羸日念君昨夜東南雷雨
惡遙知號哭遠新墳

贈眼醫武濟川

世眼紛紛昧是非不應刮膜在金 知君聖處工夫

到且道心盲作麼醫

賦粹中師竹拂子

了却香嚴一繫綠滿梳華髮伴談玄誰知拂月披風
意已具鈴鎚未落前

題伊陽楊氏戲虎圖

大班哆笑口侵耳小班蓄縮如乞憐戲園真成兩勅
敵發機誰在卞莊前

王子端內翰山水同屏山賦二詩

鄭虔三絕舊知名付與時人分重輕
蓬海東南天一柱
胷中誰比玉崢嶸

萬里承平一夢間風流人物與江山
眼明今日題詩處却見明昌玉笋班

右司正之家渭川千畝圖二首

官街塵土霧中天入眼荒寒一澆然
大似終南山下看北風和雪捲蒼煙

老眼蕭郎筆有神岩姿洲景盡天真
情知一段幽閒趣不必清談着晉人

同希顏欽叔玉華谷分韻得軍華二字二

首

並山一逕入秋雲草樹低迷劣可分
閑道無煩謝康

樂挽疆須得李將軍

時有虎害
改戲六

深山水木湛清華興到窮探亦未涯轉石猶能起雷

雨題詩自合動煙霞

轉石
當日

同希顏欽叔玉華谷還會善寺即事二首

高風捲盡四山雲泉石煙霞得細分大是山靈設清

供惜無佳句答殷勤

詩翁徹骨愛煙霞別似劉君住玉華鐵笛不曾從二

草頭巾久已挂三花

趙隱芝子端同年進士令任城為猾吏所誣遂
隱居今年八十餘自言胎仙已成不久去世云

從鄧州相公覓酒時在鎮平

寒日山城雪四圍空齊孤坐意多遠江洲未覺風流

減可使陶潛望白衣

鎮平寄姪孫伯甘筆

隆顛犀角掌中珠不見經年日念渠領取阿翁鄭管

筆試教學寫問世書

黃筌龜藏六圖為張左丞賦

無心舒卷付皇天不幸剗腸亦偶然世上疑謀待君

決可能藏六便并全

鎮平書事

勸農冠蓋已歸休了却逋懸百不憂可是諸人衰老

子半寒紅日擁黃細

自鎮平暫往秋林道中寄家
風雨塵埃了半生
西山歸去眼增明
浮雲夫婿今如此
莫遣迎門有嘆聲

超化

秋風嫋嫋入僧窓
盡得諸山草木香
却恨大梁三日
醉不來超化作重陽

又云擬借扁舟弄秋水
自嫌塵土泥沙鷗餘不記

山居二首

斜陽高樹挂晴虹
蕭蕭微涼雨氣中
一道鷺鷥花不
斷
香吹蒲馬頭風
詩腸搜苦怯茶甌
信手拈書却枕頭
簷溜滴殘山院

靜碧花紅總媚涼秋

寄女嚴三首

鶴崖魚窟路間關
旬月無由一往還
寒食歸寧見鄰
女
舉家回首望西山
鶴崖魚窟在內
鄉往盧氏道中
添丁學語巧於絃
詩句無人為口傳
竹馬幾時迎阿
姊
五更教誦木蘭篇

眼前兒女家
閑情不見經年百感并
聞道全家解禪
理
擬從香火問無生

自鄧州幕府暫歸秋林

升斗微官不療飢
中林春雨蕨芽肥
歸來應被青山

笑可惜緇塵染素衣

無題二首

七十鴛鴦五十絃酒薰花柳動春煙人間只道黃金
貴不問天公買少年
春風也解惜多才嫁與桃花不用媒死恨天台老劉
阮人間何戀却歸來

題省掾劉德潤家驂鸞圖并為同舍郎劉

長卿記異劉在方城先有碧簫之遇如笑

蓉城事云

千劫情緣萬古期樓中蕭史姓名非洞天花落秋雲

冷腸斷青鸞獨自飛

希顏挽詩五首

官銜寥落在銘旌才命寧論重與輕不作漢家賢傳

去空勞明主識蕭生

溘焉溟漠旌紀寂寞
魏書隱逸傳中語

山立揚休七尺身紫髯落落照青春從教不入麒麟

畫猶是中朝第一人

人間無路問天公自古才難更阮窮日月不為千載

計江山長惜為夫雄

萬古文章有正傳驂騑爭道望君先傷心一入重泉
後再得斯人又幾年

一世龍門屬李膺待君提拂遂騰升千年荆棘龜跌
在會有人尋下馬陵

出鄧州

本無奇骨負功名取次誰教髀肉生未到白頭能幾
日六年留滯鄧州城

過希顏故居四首

欽壺聲裏短歌行星斗闌干醉膽橫虎視鷹揚何處
在道邊孤冢可憐生

鶴蓋成陰着處同一時人物酒盃中臣門如市心如

水世俗論平聲量恐未公

暮去朝來萬化途飛揚跋扈亦區區劇談不盡平生
意能有精微入夢無

把臂論文分最深三夫成虎古猶今百年唯有區區
在地下終應識此心

雜著九首

萬期流轉不須更物物觀來定有無玉席紙衣全一
盡枉將白骨計榮枯

龜短何如鶴有餘非魚誰謂子知魚一枝莫作鷓鴣
看水擊三千不羨渠

太虛空裏一遊塵造物雖工未易貧臧獲古來多異

食可能夷叔是飢人

青蓋朝來帝座新
豈知衛瓘是忠臣
洛陽荆棘千年後
愁絕銅駝陌上人

六國孱王走下風
神人鞭血海波紅
魚端一片云亭石
殺盡蒼生有底功

天上河源地上流
黃金浮世等閑休
埋愁不著重泉底
儘向人間種白頭

泗水龍歸海縣空
朱三王八竟言功
圍碁局上楮奴戲
可是乾坤圖兩雄

昨日東周今日秦
咸陽煙火洛陽塵
百年蟻穴蜂衙

裏笑煞崑崙頂上人

半紙虛名百戰身
轉頭高塚卧麒麟
山間曾見漁樵說
辛苦凌烟閣上人

戚夫人

鴻鵠冥冥回海飛
戚夫人舞淚霑衣
每端恨殺商山老
剛出山來管是非

題山谷小艷詩

法秀無端會熟謾
笑談真作勸淫看
只消一句脩脩利
李下何妨也整冠

家山歸夢圖三首

別却并州已六年眼中歸路直於弦春晴門巷桑榆
綠猶記騎驢掠社錢
繫舟南北暮雲平落日滹河一線明萬里秋風吹布
袖清暉亭上倚新晴
游騎北來塵滿城月明空照漢家營卷中正有家山
在一片傷心畫不成

四皓圖

身墮安車厚幣中白頭塵土浣西風當時且不山間
老羽翼區區有底功

雜著

老優慣著沐猴冠却笑傍人被眼謾造物若留殘喘
在我儂試舞你儂看

遺山先生文集卷第十一

遺山先生文集卷第十二

七言絕句

俳體雪香亭雜詠十五首

亭在故汴宮
仁安殿西

滄海橫流萬國魚茫茫神理竟何如六經管得書生
下濶劔長鎗不信渠

洛陽城闕變灰煙暮鏡朝虞只眼前為向杏園雙燕
道營巢何處過明年

落日青山一片愁大河東注不還流若為長得熙春
在時上高層望宋州

醇和旁近洞房環碧瓦參差竹木閑批奏內人輪上

直去年名姓在客間

醇和殿名

天上三郎玉不如
手中白雨趁花奴
御屏零落宣和筆
留得華清按樂圖

詩仙詩鬼不謾欺
時事先教夢裏知
禁苑又經人物

散荒涼臺榭水流遲

十年前商帥國器方城夢中得後二句為言如此

金縷歌詞金曲卮
百年人事鬢成絲
重來未必春風在
更為梨花住少時

楊柳隨風散綠絲
桃花臨水弄妍姿
每端種下青青竹
恰到湘君淚盡時

琵琶心事曲中論
曾笑明妃負漢恩
明日天山山下

路不須回首望都門

爐薰浥浥帶輕陰
翠竹高梧水殿深
去去轡車雪三尺

尺畫羅休縷麝香金

泥金色如麝香宮中所尚

羅綺深宮二十年
更持桃李向誰妍
人生只合梁園死
金水河頭好墓田

若才多思是春風
偏近騷人悵望中
啼盡杜鵑枝上

血海棠明日更應紅

暖日晴雲錦樹新
風吹雨打旋成塵
宮園深閉無人到
自在流鶯哭暮春

萬戶千門盡有名
眼中歷歷記經行
賦家正有蕪城

策一段傷心畫不成
暮雲樓閣古今情地老天荒恨未平白髮累臣幾人
在就中愁殺庾蘭成

春夕

數枝殘雪梅仍在幾日東風柳已嬌春酒價高無可
典小紅燈影莫相撩

梅花

一樹寒梅古寺邊荒山草木動春妍東家賴有詩人
在照影橫枝莫自憐

溪上

短布單衣一幅巾暫來閑處避紅塵低昂自看水中
影好箇山間林下人

息軒楊秘監雪行圖

長路單衣怨僕僮無人說向息軒翁長安多少貂裘
客偏畫書生著雪中

楊煥然生子四首

掌上明珠慰老懷愁顏我亦為君開異時載酒楊雄
宅知有迎門竹馬來
人家歡喜是生兒巷語街談總入詩我欲去為湯餅
客買羊沽酒約何時

某生辛苦坐耽書我笑先生老更迂生子但持門戶
了玄談何必似童烏

阿麟學語語牙牙七歲元即髻已丫更醉使君湯餅
局兒童他日記通家

阿麟張君
美兒子

記夢

天上材官老不材從教兀兀走塵埃夢中望拜通明

殿曾見金書兩字來

戊子七月二十四日內鄉往廬氏宿走馬
平夜夢拜天帝像逆觀法駕導引畫幀

最前負弩三人中有金書小字題
裕之者夢中不自知其為予也

啓母石

書載塗山世共知誰傳頑石使人疑可憐少室老突

兀也被人呼作阿姨

雜著四首

白髮劉郎老更痴人間那有後天期茂陵石馬專相
待種下蟠桃屬阿誰

白髮中官解道詩殷勤仍為惜花枝雪香亭上清明
宴記得君王去歲時

六朝瓊樹掌中春回首胡粧一面新生羨石家金谷
裏千年獨有墜樓人

燕語鶯啼百轉新長廊寂寂不逢人東君去作誰家
客花柳無情各自春

七

内卿雜詩

行吟溪北復溪南
風日烘人酒易酣
無限春愁與誰
語梅花嬌小杏花慙

眉二首

香墨燒殘水麝塵
内家新樣入輕勻
郭熙只為吳山
老爭信客間有小顰
石綠香煤淺淡間
多情長帶楚梅酸
小詩擬寫春愁
樣憶着分明下筆難

送窮

煎餅虛拋壻撒堆
滿城都道送窮迴
不如留取窮新

婦貴女何曾喚得來

三御時作

山林鍾鼎不相兼
說着浮名夢亦嫌
菽水盡歡吾豈
敢老親自愛薺羹甜

出都

春閨斜月曉聞鶯
信馬都門半醉醒
官柳青青莫回首
短長亭是斷腸亭

癸巳五月三日北渡三首

道傍僵卧滿纒囚
過去旃車似水流
紅粉哭隨回鶻
馬為誰一步一迴頭

隱營木佛賤於柴大樂編鍾滿市排虜掠幾何君莫
問大船渾載汴京來

白骨縱橫似亂麻幾年桑梓變龍沙只知河朔生靈
盡破屋疎煙却數家

桑梓其剪為龍沙乎郭璞語

登珂山寺三首

澹澹長空白鳥迴江山都入妙高臺六鰲只解翻溟
渤不駕東南日觀來

太山在東南而此山不之見

悠悠誰了未生前一落泥塗又幾年堪笑長清郭明

府再來仍被葛藤纏

長清郭明府自省夙世是此寺比丘及作寺碑宛然筆沙語也

白日紅塵往復還深居那得似禪關出門應被山僧

笑總得雲林半日閑

夢中作

夢人請回會語其一泥滑滑也

春泥滑滑滿春山嬾媿幽禽喚客還安得便乘雙翼
去綠陰清晝伴君閑

奉詔子京禪師見贈之什三首

孟齊曰詔當作酬

南風穩送北歸舡留得虛名一指禪
在周君迴望一凄然

舊遊重憶故人詩一點青燈兩鬢絲不似戒壇明月

夜杏花香裏唱歌時

往在崧山時陪馮內翰雷御史游戒壇詩中所道蓋當時事也

無塵千里邈相望亂後相逢話更長若見山堂憑借

恩幾時同宿贊公房

杏花

桃李前頭一樹春
絳唇深注蠟猶新
只嫌憨笑無人
管鬪簇枯枝不肯勻

聊城寒食

輕陰何負探花期
白髮於春自不宜
城外杏園人去
盡煮茶聲裏獨支頤

姨母隴西君諱日作三首

竹馬青衫小小郎
阿姨懷袖阿孃香
一龕白骨黃河
隔遙望梁門哭斷腸

病起拈針眼未花
團藥兒女運司衙
今年得在應猶

健更好從頭說外家

寶鏡煌煌照九州
埋藏曾及見諸劉
鄴城今日無雷

煥紫氣誰當辨斗牛

陽曲劉氏家大寶鏡能照天地四方以前知
休咎其家埋地中人不得見也明昌泰和中
北方兵動渠父子欲卜之一日先以旃幕障中庭乃扃閉門戶甚嚴及掘鏡
出光耀爛然一室盡明如初日之照鏡中見北來兵騎穰穰無數餘三方都
無所睹因大駭曰不可不可即埋之姨母時伏床下得窺窺焉兵火
後此家唯一兒子在姨母能指鏡處存否則不知也故予詩及之

宿神霄北菴夢中作

素月流空散紫煙
座中人物半神仙
麗川往事渾如
夢信手題詩一泫然

夜雪

更殘醉未全醒夢裏嬌兒索乳敲茅屋不知門外
雪黃紉衾煖紙窗明

冠氏趙庄賦杏花四首

一樹生紅錦不如乳兒粉抹紫襜褕花中誰有張萱
筆畫作宮池百子圖

父杏堂前千樹紅雲舒霞捲漲春風荒村此日腸堪
折迴首梁園是夢中

錦樹烘春爛不收看花人自為花愁荒蹊明日知誰
到憑仗詩翁為少留

東風誰道太狂生次第鬧花却有情聞道紀園千樹

錦一尊猶及醉清明

自趙庄歸冠氏二首

春華澹澹曉寒輕野草搖風半白青誰識杏花牆外
客舊曾家近鹿川亭

杏園紅過雪披離楊柳無風綠線齊寒食人家在原
野乳鴉牆外盡情啼

戲贈白髮二首

鏡中昨日又明朝破屋春深雪未消摘下載莖聊自
笑貴人頭上不相饒

別愁何怨復何讐直要青春便白頭拚却鏡中渾似

雲且看渠待幾時休

戲題醉仙人圖

醉鄉初不恨東西集日湯年一理齋門外山禽喚沽

酒胡蘆今後大家提

提胡蘆沽美酒會語也

濟南雜詩十首

兒時曾過濟南城暗算存亡只自驚四十二年彈指
過只疑行處是前生

匡山聞有讀書堂行過山前笑一場可惜世間無李
白今人多少賀知章

華山真是碧芙蓉渠湖水湖光玉不如六月行人汗如

雨西城橋下見游魚

吳兒洲渚是神僊卷畫溪光碧玉泉別有洞天君不
見鵲山寒食泰和年

石刻燒殘讌集辭雄樓傑觀想當時只應畫戟清香
地多欠帝郎五字詩

斫來官樹午陰輕湖畔游人怕晚晴一夜靈泉菴上
宿四山風露覺秋生

白煙消盡凍雲凝山月飛來夜氣澄且向波間看玉
塔不須橋畔覓金繩

秋雲物便淒迷一道湖光樹影齊詩在鵲山煙雨

戴王家圖上舊曾題

玉看卿家有
鵲山烟雨圖

荷葉荷花爛熳秋鷺鷥飛近釣魚舟
北城佳處經行徧留著南山更一游
看山看水自由身著屐題詩發興新
日日扁舟藕花裏有心長作濟南人

題解飛卿山水卷

平生魚鳥最相親夢寐煙霞卜四鄰
羨殺濟南山水好幾時真作卷中人

趙士表山林暮雪圖為高良卿賦二首

颼颼林響四山風雪後人家閉戶中
應被火爐頭上

說水邊清殺兩詩翁

黃塵遮斷山間夢白髮重尋畫裏詩
好似玉溪溪上路醉和王老喚船時

倫鎮道中見槐花

名場奔走競官榮一紙除書悞半生
笑向槐花同策事為君忙了竟何成

題劉才卿湖石扇頭

幽磎雲凝雨未乾曲池疎竹共荒寒
扇頭喚起西園夢好似熙春閣下看

聞歌懷京師舊游

樓前誰唱綠腰催千里梁園首重迴記得杜家亭子
上信之欽用共聽來

鄭先覺幽禽照水扇頭

臨水華枝淡淡春水光華影兩無塵風流一枕西園
夢惆悵幽禽是故人

龍泉寺四首

懸麻白雨映層崖過盡行雲晚照開可是登臨動高
興馬頭新自太行來
泉石煙霞自一家殘僧隨分了生涯雞鳴山下題詩
客曾到靈巖不用誇

河邊殺翹尚能飛無角無麟自一齋甲子紛紛更見

戲壁間休笑阜昌題

寺北齊時建又多劉豫
阜昌中石刻并題名

逸渠寒溜夜潺潺說有蛟龍在石間可惜九天霖雨
手一泓泉水伴僧閑

李進之迂軒二首

白髮歸來世事新書生風味是清貧歎斜歷落從人
笑潦倒麤疎我自真
舉世營共一途要來閑處費工夫入門且莫分賓營
主不但君迂我更迂

出鎮州

孟有曰卿當作

滄水歸心日夜流孤雲飛處是松楸無端行近還卿
路却傍西山入相州

過邯鄲四絕

富貴榮華一嘆嗟依然夢裏說蒼華千年幾度山河
改空指遺臺是趙家
人事存亡不易知及時娛樂恨君遲後人共指藁臺
笑三尺堯塔竟屬誰
川原落落曙光開四顧河山亦壯哉前日少年今白
髮只應狐塔記曾來
死去生來不一身定知誰妄復誰真邯鄲今日題詩

客猶是黃梁夢裏人

楊秘監馬圖

大青小青天馬姿楊侯房星非畫師忽見奚官記前
事東華馳道晚涼時

竹溪夢遊圖

孟有按觀當作新

意外荒寒下筆親經營恬淡似詩人竹時萬頃風煙

裏白髮刀騷一幅巾

藥正卿餉酒

宿醒未能渴生塵驚見王弘餉酒人獨恨文書困佳
客不來同醉五更春

王都尉山水

平林漠漠數峯閑詩在岩姿隱頭向自是秦樓畫眉
手不能辛若作荆關

贈絕藝杜生

迢迢離思入哀絃非撥非彈有別傳解作江南新賜
曲新聲休數李龜年

趙大年秋溪戲鴨二首

寒沙折葦浙江彎詩在波痕滅沒間
飛舟人苑矣却從圖畫羨君閑

畫家朱粉不到處淡墨自覺天機深
賣酒壚邊見崔

白王孫真有五湖心

米元章畫史趙昌王友崔白但可為酒家遮牆壁耳

自題二首

共笑詩人太瘦生誰從恹淡得經營千秋萬古迴文
錦只許蘇娘讀得成

千首新詩百首文藜羹不糝日欣欣鏡中自照心語
口後世何須揚子雲

北歸經朝歌感寓三首

南來山勢漸坡陀蕩川涂接大河馬上哦詩每好蕩
語聊從白塔記朝歌

黃屋何曾土作階禍基休指九層臺書生不見千年

後枉為君王泣玉杯
墨翟區區不近情迴車曾此避虛名采薇唯有西山
老不逐時人信武成

內黃道中楚王廟荆公有誰合軍中稱亞
父却須推讓內黃兒之句因為范增解
嘲

一怒屠城一說留書生剛為范增羞軍中老子閑何
事付與兒曹調沐猴

題蘇氏寶章

二老風流有典刑諸郎蘭玉映階庭峨眉寶氣千年

在未數陳家聚德星

長公志義似顏平原次公冲澹似林西
湖故字畫有不期合而合者最後數帖

所謂蘇氏三虎
叔黨為最怒耳

劉氏明遠庵三首

豪氣元龍百尺樓功名場上早抽頭路人不識閑居
士袖手雍容活兩州

世間無物礙虛空宴坐經行一體同老眼不應隨鏡
轉江山元只在胷中
落落雲間晚照開上方別有妙高臺栽花種柳明年
了拄杖敲門日日來

題李庭訓所藏雅集圖二首

萬古文章有至公百年奎壁照河東衣冠忽見明昌
筆更覺升平是夢中

景星丹鳳一千年合着丹青與世傳誰畫風流王李

郝大河南望淚如川

王謂仲澤李謂
長源郝謂仲純

南園二首

風裏秋蓬不自由一生幾度過隆州無情團拍闋前

水流盡朱顏到白頭

路轉川迴失繫舟更教兩驛過徐溝多情團拍闋前

水却共清汾一處流

是日自徐
溝宿南園

馬坊冷大師清真道院三首

水際茅齋星散居白雲閑伴五溪魚茂林脩竹山如

畫蘸碧軒中恐不如

枯蒲折葦障清彎十里風荷指顧間安得西湖展江

手亂鋪雲錦浸青山

靜中人境兩備然我亦因君有靜緣已約青山來枕

上水亭風榭看明年

惠崇獐猿圖

月嘯煙呼本不群筆頭同是一溪雲野情山態令人
羨世路機關不似君

寄史同年二首

情話通宵慰別離
殷勤釀酒趁花期
沁南只道梅花
早猶較歸程十日遲

相君許送買山錢
晚歲鄰居定有缘
一樹梅花一尊
酒知君東望亦凄然

宋周臣生子三首

試手君家助喜詩
秋風丹桂長新枝
昂霄聳壑他年

見木月同宮記此時

木月同宮五星家謂人以此時生者長必貴

玉季金昆世共賢
天將文筆付家傳
清新未要梅花

賦射虎留看第二篇

鄉先生宋濟川以射虎詩著名

雛鳳來時鶴卵成
兩兒前後不多爭
阿寧解語應須

道猶是渠家百日兒

乞酒示皇甫季貞

醉頭慵舉睡昏昏
夢裏青旗雪擁門
枕上一杯風味
好糟床何處得茶渾

李白騎驢圖

八表神游下筆難
畫師曾次自酸寒
風流五鳳樓前
客在作襄陽雪裏看

許由擲瓢圖

不知黃屋不知堯
喧寂何心計一瓢
我是許由初不
爾只將盛酒杖頭挑

九月晦

松楸千里動悲哀
說道迴家早晚迴
九月忽驚今日
盡蒲城風散紙錢灰

雜著

燒殘芻狗不能神
一色貂裘繡帽新
好箇路傍官堠
子經年端坐看行人

送窮

送君君去欲何之
暫去還來也不辭
但愧苦無相贈
物柳缸輕似去年時

即事

四長東州貢姓名
阿茶能誦木蘭行
元家近日添新

喜掌上寧兒玉刻成

寧兒叔用
小字阿茶
第四女字叔用

侯相公所藏雲溪圖
曾命賦詩三首
但記

其一云祖道東門
未有涯田君方駕
入宮

車祇應千古狼溪
路人說山中宰相
家相

公以體重不任步
趨詔許駕小車至
朝殿

外門故予詩及之
北渡後往東平路
經雲

溪因為之賦

黃山圖子翰林詩
千里東州有所思
前日相公門下

客國亡家破獨來時

陳德元竹石二首

一片春雲雨未乾
兩枝新綠倚高寒
瘦龍不見金書
字試就宣和石譜看

萬石網缸出太湖
九州膏血一時枯
阿誰種下中原
禍猶自昂藏入畫圖

同漕司諸人賦紅梨花二首

梨花曾比太真妃
別有風流一段奇
白雪為肌玉為
骨淡粧濃抹總相宜

瓊枝玉蕊靜年芳
知是何人與點粧
可道海棠羞欲
死能紅能白更能香

吳子賢樗菴二首

人道樗形百醜全
我知造物向君偏
世間正有明堂
柱偃蹇風霜得幾年

廣莫初無匠石過
一丘一壑柰君何
世間正有明堂
柱春草輸羸校幾多

太一蓮舟圖三首為濟源奉先老師賦

老師吾
宗盟

泠泠風外到仙臞
琢玉羊欣定不如
六合空明一蓮
葉更須遮眼要文書

仙人在蓮
葉卧看書

仙人寧得此婆娑
亡柰丹青校猶何
我與太虛同一

體也無蓮葉也無波
秦一青藜出漢年明窓開卷一欣然憑君莫問題詩
客不是韓駒第二篇

遊天壇雜詩十三首

芳樹陰陰鳥語譁綠雲晴雪映紅霞青山可是堪人
恨藏著中岩十里花

漫山白白與紅紅小樹依藂看不供總道植花香氣

好就中偏愛玉瓏鬆

花名有玉瓏鬆

只願長城沒徹頭豈知蒸土更堪憂秦人若見千年

後抱杵臨洮老死休

避秦溝

溪童相對采椿芽指似陽坡說種瓜想是近山營馬

少青林深處有人家

僊貓聲在洞中聞憑杖兒童一同君同向燕家舐丹

鼎不隨雞犬上青雲

仙貓洞是日兒子叔儀呼貓應者土人傳燕家雞犬升天貓獨不去

諸峯羅列擁朝臺落日行雲一望開絕似太山山上

看分明齋嶺是徂徠

空翠霏煙海浪深鰲頭鵬背半浮沉不知脚底山多

少還盡平生未足心

湍聲洶洶落懸崖見說蛟龍擘石開安得天瓢一翻

倒躡雲平下看風雷

時早甚故云

僊壇倒影鳳麟洲一道雲光挿素秋也是天公閑不
得海東移着海西頭

道民終不忘天台姓字依然在蜜崖為問松臺千歲

鶴白雲何處不歸來

近歲盧氏蜜崖人迹不及處有題字云道
民天台司馬承禎過松臺即白雲老塾地

僊人龍躋玉為鞭石穴留書世不傳弱水蓬萊三萬

里青山今古幾何年

近年人有得司馬先生石穴
所藏丹經予獲觀于山陽

風期身後復身前一讀丹華似有綠八表神遊吾豈

敢或能搖筆賦垂天

擬着茅齋北斗平殘年細讀洗心經詩成應被盧仝

笑曾見青山養伯齡

盧仝送伯齡出山云伯齡不厭山山不養
伯齡予以早當出山故自戲云北斗平在

天壇
之後

初發潞州

潞州住久似并州身去心留不自由白塔亭亭三十
里漳河東畔幾迴頭

雜詩六首道中作

鼠肝蟲臂復何辭坎止流行亦有時已被吳中喚儻
父却來河朔作炎兒

隆州兵騎往來衝客路灰郊更向東大似天教浣塵
土數程都在水聲中

懸崖飛瀑駭初經白玉雙龍擊迅遽却恨暑天行過

速不曾赤脚踏清冷
黃華北下馬陵南佛屋燒殘有石龕想是故鄉行欲
近粥糜渾覺水泉耳
莊休通蔽玄相妨鄉社情親豈易忘司命果能還舊
觀觸體端合羨侯王
鄉闕白日照青天徒步歸來亦可憐袖裏新詩一千
首不愁錦繡裹山川

遺山先生文集卷第十二

遺山先生文集卷第十三

七言絕句

初挈家還讀書山雜詩四首

并州一別三千里滄海橫流二十年休道不蒙稽
古力幾家兒女得安全

天門筆勢到閑閑相國文章玉笋班從此晉陽方

志上繫舟山是讀書山

繫舟先大夫讀書之所閑閑公改為元子讀書山又大叅楊公叔玉讓先人墓銘

眼中華屋記生存舊事無人可共論老樹婆娑三
百尺青衫還見讀書孫

乞得田園自在身不成還更入紅塵只愁六月河

堤上高柳清風睡殺人

賦餅中雜花七首

予絕愛未開杏花故未篇自感

老柳驚看節物新今年更與酒盃親東山一道花
如繡從此他卿不是春

香中人道睡香濃誰信丁香臭味同一樹百枝千
萬結更應薰染費春工
生紅點點弄嬌妍半折花房更可憐傳語春風好
將護莫教容易作銀錢
紅抹蘭膏綠染衣綠嬌紅小兩相宜幸逸到有清
香在木石癡兒自不知

素艷來從月姊家溫風淑氣發清華人門自有交
枝玉天上休開六出花
昨日桃華錦片新兔葵今日到殘春佞枝留得稀
踈朶比似全開更惱人
古銅瓶子滿芳枝裁剪春風入小詩看看海棠如
有語杏花也到退房時

贈羅友卿三首

一般花木各榮枯筦庫區區亦仕途前日江東羅
給事只今城裏范萊蕪
不離城市得幽棲未要坊名改碧鷄種下五株桃

樹子本無心學浣花溪
閑中日月病中身寂寞相求有幾人莫恠門前可
羅雀詩家所得是清貧

又解嘲二首

鴈後花前日日閑頗思尊酒慰愁顏憑君細教東
州客誰在花 花綠綠間
詩卷親來酒醜踈朝吟竹隱暮南湖袖中新句知
多少坡谷前頭敢道無

為衍聖孔公題張公佐湘江春早圖二
首張自書云涂水張公佐畫時年八十

一先大夫嘗題公佐畫有雲靜洞庭秋
寺月雨昏湘浦夜舡燈之句因及之

郭熙畫筆老益壯未比并州九十翁想是江南春
夢裏水村曾見酒旗風

黃陵祠下雨如繩老筆題詩想舊曾今日圖間見
晴景依然愁絕夜舡燈

渾源望湖川見百葉杏花二首

四月山泉凍未開東君終為挽春迴多情丹杏知
人意留着雙華待我來

兒時憶向西溪廟丹杏曾看百葉花今日山中見

雙朶自憐鷓鴣老天涯

陵川西溪二仙廟有百葉杏兩株在殿前

代州門外南樓二首

東浴西秦往復迴幾番風雨與塵埃家山寂與南
樓近三十三年恰再來

汀樹微茫岸草青漳河四月水泠泠鳳山可是生
來巧堪與南樓作臥屏

杜生絕藝

杜生絕藝兩絃彈穆護砂詞不等閑莫恠曲終雙
淚落教聲全似古陽關

以玉連環為呂仲賢壽

玉環何意兩相連環取無窮玉取堅願得主人如
此物呂翁他日作回僊

德華小女五歲能誦予詩數首以此詩
為贈

牙牙嬌語總堪誇字念新詩似小茶好箇通家女
兄弟海棠紅點紫蘭芽

唐人以茶為小女美稱

劉壽之買南中山水畫障上有朱文公
元晦淳熙甲辰中春所題五言得於太

原酒家

蜀山青翠楚山蒼愛玩除教寶繪堂且道中州誰

具眼晦菴詩挂酒家牆

跋紫微劉尊師所畫山水橫披四首

劉時年八十六

溪橋獨步

納納溪橋逗晚風水村山閣往來通馬蹄踏遍黃
塵路畫裏初逢避俗翁
胷次江山老更奇太初元氣入淋漓僊翁不是人
間客俗筆休將比郭熙

江亭會飲

瓦盆濁酒憶同傾鄉社豐年有笑聲世外華胥誰
復夢且從圍畫看外平

秋江待渡

筆頭雲景性中天誰似倦舟有靜緣只合此間添
此老脫巾和月弄江煙

東山回首

半欲天陰半欲晴層巒疊嶽各分明去年風雪盈
多景看盡東山是此行
自笑平生放眼謾看山只向畫中看天公老筆無
今古枉着千金買范寬
錦里春光風馬牛鳥飛不到太湖秋一丘一壑都
堪老且具神山煙景休

馬水橫陳聖阜前
滹沱陂堰遠相連
魚多只說牛家匯
何處秋風有釣舡

牛家匯在神山下

晚起

鬢毛衰颯病凌兢
暫入紅塵倦不勝
學似玉山樵

客了八年流落醉騰騰

予痛飲至是八年故用歸致老此句

追錄乙未八月十七日莘縣夢中所得

夢裏哦詩信口成
分明濟水道中行
夢迴真到哦

詩處蒲馬西風雲月清

春歸

野杏溪桃三兩枝
春歸也作送春詩
東君自愛長

安好能住山城得幾時

感興四首

夢中驚見白頭新
信口成篇却自神
天上近來詩

價重一聯直欲換青春

後二句夢中所得

詩印高旋放外禪
幾人針芥得心傳
并州未是風

流減五百年中一樂天

廓達靈光見太初
眼中魚復野狐書
詩家圖換知

多少一鑰拈來便有餘

好句端如綠綺琴
靜中窺見古人心
陽春不比黃

華曲未要千人作賞音

從孫頭卿覓平定小山

愛殺熙春萬玉峯
綢舡迴首太湖空
一拳秀碧煙霞了
早晚東山入袖中

發南樓度鴈門關二首

鷄聲未動發南樓
澗水隨人向北流
欲望讀書山遠近
鴈門關上懶迴頭
稜磴石磴倚高梯
穹谷無人綠樹齊
總為古來征戍若
宿雪常傍塞垣低

墨竹扇頭

嫩香新粉玉文加
小筆風流自一家
只欠雪溪王

處士醉來肝肺出
枯槎

王希古乞言

支幹空虛不揀貧
素衣空染洛陽塵
一龜早晚搯床了
袖手風簾閱市人

龍門公墨竹風煙夕翠二首

渭川東望水雲寬
雨潤煙濃下筆難
今日龍門圖上看
蕭郎只合老荒寒

煙梢露葉捲秋山
揮灑縱橫意自閑
莫問筆頭孰未化
看看霖雨滿人間

從希顏覓萬壽香二首 追錄

綠洋奇品賽濃梅永憶薰爐試淺灰尤物也知人
愛惜簾篩風動只縈回

自倚詩情合得消暮寒新火覺無聊懸知受用無
多在試往新詩乞斷瓢

戲贈柳范

誰擘輕綿亂眼飄不教翠紐綴長條只愁更作浮
萍了風轉波衝去轉遙

喬夫人墨竹二首

萬葉千稍下筆難一枝新綠儘高寒不知霧閣雲
窈晚幾枕扶疎月影看

只待驚雷起蟄龍忽從女手散春風渭川雲水三

千頃悟在香巖一擊中

夫人參洞
下禪有省

醉貓圖二首何尊師畫宜和內府物

窟邊癡坐費工夫側輓橫眠却自如料得仙師曾

細看牡丹花下日斜初

飲罷鷄蘇樂有餘花陰真是小華胥但教殺鼠如

丘了四脚撩天一任渠

自題中州集後五首

鄴下曹劉氣儘豪江東諸謝韻尤高若從華實評
詩呂未便吳儂得錦袍

陶謝風流到百家
半山老眼淨無花
北人不拾江西唾
未要曾郎借齒牙
萬古騷人嘔肺肝
乾坤清氣得來難
詩家亦有長沙帖
莫作宜和閣本看
文章得失寸心知
千古朱絃屬子期
愛殺溪南辛老子
相從何止十年遲
平世何曾有稗官
龍來史筆亦燒殘
百年遺藁天留在
抱向空山掩淚看

講武城

作計千年復萬年
似嫌蒸土不能堅
祇今講武人

何在衰柳殘楊有亂蟬

藥山道中二首

石岸人家玉一灣
樹林水鳥靜中閑
此中未是無佳句
只欠詩人一往還

西風砧杵日相催
着破征衣整未迴
白鴈已銜霜信過
青林剛送雨聲來

善應寺五首

平崗回合盡桑麻
百汊清泉兩岸花
更得青山作重複
武林何處覓仙家

石潭高樹映寒藤
閑有沙鷗靜有僧
總愛山陽竹

林好七賢來了更誰曾

夕陽人影卧平橋倦客登臨不自聊且放游魚覓

歸宿爭教白鷺逞風標

山中魚鳥夙相親同舍求田有主人自讀舊題還

自笑七年鞍馬只紅塵

前題善應寺壁有紅塵鞍馬幾時休之句又七年矣

困不成眠百感生田家燈火夜深明無因洗耳風

沙底狂費潺潺落枕聲

摘瓜圖二首樗軒家物

回摘空留抱蔓詩阿婆真作木腸兒履霜只說琴

心苦不見房陵道上時

高鳥長憂挂網羅如巷日月坐消磨憑君莫話第

朝事比似黃臺摘更多

如巷蚤圖公所居

黃華峪十絕句

岱崧玉屋舊經過自倚胸中勝槩多獨欠太行高

絕處青天白日看山河

樹經凍雨半青黃山入高秋老更蒼且就同遊盡

佳客不妨五日未重陽

紅葉黃花風露清比來春色不多爭秋山却也堪

人恨白與高歡作錦城

池壁孤雲子細看雲間龍穴想高寒碧瀾寸寸橫

秋色空對山靈說到難

唐人劉蕡篇有碧澗之下
寸寸秋色之句見文粹

玉立千峯畫不如天公自有范寬圖
回山要著黃

華老千尺珠簾得似無

前輩廬山詩有向使早逢周處士子端應
不說黃華之句處士指周先生德卿

團團石甕琢青瑤仰面看雲覺動搖
誰着天瓢灑

飛雨半空翻轉玉龍腰

萬古飛流瀉不供狂放噴薄困魚龍
謫仙到有銀

河句不道香爐更一峯

天漢何因有蚌胎無窮冰雹落懸崖
只愁馳背糶

糊錦翻倒龍宮復此來

落峽飛流散不收湍聲洶洶動高秋
也應憐被江

塵泥才近山門便泐流

乞得三泉住不成風沙鞍馬負平生
故山定已移

文了又被黃華識姓名

七賢堂

水上盤陀不見人煙中白露玉無塵
竹林未恨風

流減負殺共城麴米春

是日有餉名
酒獨酌水邊

峽口食鱖魚有感

每奈微雲踈雨何孟公詩律費研磨
憑君莫愛襄

陽好縮項鱖魚刺鯁多

太簡之畫松風圖為備端卿賦二首

董元老筆斝盤高聲蒼雲復此看絕似鳳凰山盤
下路秋風無際海波寒

新亭相泣血沾襟一日神州見陸沉好就崆峒山
叟同醉眠春晝果竹心

秋江待渡橫披

物外琴尊合往還爭放俗駕點溪山畫師果識
中趣只作橫舟落照間

贈荅要襄叔二首

長洲連日遠相迎展讀新詩眼倍明鄧下舊人多
念我感君兼有故鄉情

文擬邛侯下筆難韜春一讀不知寒名家未覺風

流滅洗眼青雲看阿端

襄叔之先人擬下邳侯傳作實韜春以
賦小培又其兒子小字端平者方就字

贈脩端卿張去華韓君傑三人六首

姓字舊熟相知新三子皆我眼中人洛西荒山有
北客酒光艷艷梅花春

去華手中倒樹亦要筆力挽千鈞知君辨作南棚
山豹霧雨七日蔚成文

掃地焚香樂有餘情知快快米監書枉教棄擲泥
塗了綠髮侑即玉不如

古來馬隊非講肆歸生頗似周生勤舉家都無擔

石粟老氣仍有垂天雲

中庸胡公隔天壤

寶臣近
日客死

大木失望工師來明堂老

手李明府我知此公無棄材

李順
陽吉甫

乳虎守穴子可探斫頭不屈貧所甘異時三客俱

焯焯人倫東國吾無慙

秋江曉發圖

百轉羊腸挽不前
旃車輓輓共流年
畫圖羨殺扁舟好
萬里清江萬里天

題山亭會飲圖二首

女兒樵人塞上詞

劉景
玄號

溪南老子坐中詩
因君喚

起山亭夢好似三卿共醉時

曾將心事許烟霞
酒榼書囊便是家
前日山亭亭上客
而今鞍馬老風沙

洛陽衛良臣以星圖見
既漫賦三詩為謝

敗筆成丘死不神
侯門書卷欲誰親
鰥鰥魚目漫漫夜
盼到明星老却人

參旂亦自過災年
橫被狐星射右肩
牽牛只有樁機石
送與天公折聘錢

西虎東龍總伏雌
老蠶却是可憐兒
星圖何物堪相報
借用盧仝月蝕詩

題鷺鷥敗荷扇頭

荷經凍雨綠全枯
蒂到窮秋影亦疎
為同風標雨公子
北中能幾多魚

西山樓為王仲理賦二首

天日清明四望開
樓中舒嘯亦悠哉
園干十萬人
家裏只有青山入眼來
往笏西山老騎曹
朝來爽氣與秋高
休將人物輕題品
湖海元龍也未豪

樂天不能忘情圖二首

得便宜是落便宜
木石癡兒自不知
就使此情忘

得了可憐長在老頭皮

芙蓉脂肉紫霞漿
別是仙家煖老方
只在柳枝擦下得
忘情一馬亦何妨

燕省掾屬張彥通
舉釋萊之廢仁卿
以詩美之亦賦二詩

一奠區區入詠歌
請看大治竟如何
李侯落筆非無意
告朔羊存得已多

一日新儀見泮宮
共驚綿蕤有遺風
化州亦可燕中比
只枉今無百彥通

采菊圖二首

信口成篇底用才淵明此意亦悠哉枉教詩景分
留在百統斜川覓不來
夢寐煙霞卜四隣爭教晚節傍風塵詩成應被南
山笑誰是東籬采菊人

無塵亭二首

霧廓雲開病未能波流草靡亦何曾
曾中自有西風扇身外休論有髮僧

日日門前車馬喧玉壺冰簟酒如川
亭中刻有題

詩客獨欠雲間李謫仙時仁卿尚未到燕

李廣道寫真二首

華髮蕭蕭玉鍊顏一篇秋水想高閑
湏知八表神游客不在披裘擁絮間
擁絮披裘動數千肉身那得盡飛僊
玄門此老留教在滄海橫流未必然

錢過庭煙溪獨釣圖二首

鞞馬風沙萬里身眼明驚見楚江春
綠蓑衣底玄真子不解吟詩亦可人

小景風流二百年典刑來自米家舡
詩人每復承平舊重為遺音一慨然

畫學米元章楚山清曉故有句

蒼崖遠渚圖二首

深谷高林自一天紅塵無路迹風煙兩椽茅屋平
生了况是清溪有釣舡
竹帛功名一筆無殘年那復計榮枯青山未得携
家去惆悵題詩是畫圖

三士醉樂園

依樣胡盧畫不成三家兒女日交兵瓦盆一醉糊
塗了比似高談却較爭

鄉郡雜詩五首

余家自五代以後自汝州遷平定宋末又
自平定遷忻故文字中以平定為鄉郡

百年喬木鬱蒼蒼耆老風流趙與楊為向榆關使

君道郡中合有二賢堂

楊吏部之美阜洛
人閑閑曾守此郡

神仙官府在瀛洲何意閑閑得此留莫笑山城小

於斗他州誰有湧雲樓

樓閑閑
所建

一溝流水幾橋橫岸上人家種柳成來歲春風一

千樹綠煙和雨暗重城

新堂縹渺接飛樓雲錦週遭霜樹秋若道使君無

妙思冠山移得迤城頭

故鄉飛鳥亦裴回更覓何鄉養不才見說陽泉好
春色野夫乘興欲東來

宗人明道老師澹軒二首

潞人澹社有來源濟水分流到澹軒莫問軒中賓

與主一家同是潞州元
澹中無地着鹹酸老口年多不受謾流外已曾增
一董不妨傳法到黃冠

題商夢卿家晦道堂圖二首

松亭竹閣數家村通德仍餘舊里門喬木未須論

巨室青衫今有讀書孫

一作青衫誰
有讀書孫

東國人門幾百年素風總到此公傳卷中甚欲題
詩句慚愧帝家祖德篇

高正叔隴山行役圖二首

隴坂經行十過春也隨風土變真淳吳山沂水不

必畫留在秦音已可人

夢中陳迹畫中詩前日行人鬢已絲我亦寒亭往
來客因君還寄出關詩

息軒秋江捕魚圖三首

擲網牽罾太俗生煙波名利不多爭綠蓑衣底玄
真子可是詩翁畫不成

擊瓮喧天網截河得魚何啻一罾多漁郎不作明
年計柰此纖鱗細甲何

正始風流一百年竹谿衣鉢有真傳玉堂人物今
安在紙尾題詩一槩然

東平李漢卿草蟲卷二首

蟻穴蜂衙筆有靈就中秋除寂閑情知君夢到南
華境紅穗碧花風露清

過眼千金一唾輕畫家元有老書生草蟲莫道空

形似正欲爾曹鳴不平

李資高九視錢幣如糞土貴人
求畫或大罵而去故不與世合

郭熙溪山秋晚二首

煙中草木水中山筆到天機意態閑九十仙翁自

遊戲不應辛苦作荆關

雲樹微茫石掩扉吳兒洲渚不塵埃憑君記取題

詩處杖屨適從洪谷來

七賢寒林圖

萬古騷人有賞音畫家滿意與幽尋題詩記得松

前事絕似馮雷入少林

右丞文獻公著色鹿圖

野鹿標枝氣象閑老皇頻歲赦秋山不妨右相冊

青筆時到霜林紫翠間

李仲華湍流高樹圖二首

細密功夫足自神經營慘澹欲誰親却應林影湍

聲外猶欠吳山小筆春

小景風流恰入時留題紙尾竟何辭不因脫兔投

林了何處而今更有詩

癸巳正月之變逆黨中有欲謀害已者
賴仲革力為營護得釋故篇未有及

益郡宜撫田侯器之燕子圖詩傳本已亥

秋七月予得於馮翊宋文通家會侯之

子仲新自燕中來隨以歸之仲新謂予

言兵間故物一失無所復望乃今從吾

子得之煥若神明頓還舊觀似非偶然

者方謁持賢以嗣前作幸吾子發其端

因賦三詩丙午春三月河東元某謹題

紅綫還驚掌上看十年音息海漫漫渠家王謝堂

前慣暗認曹劉可是難

古錦詩囊半陸沉吳楓句好入江深世間安婦爭

相妬禽鳥區區却賞音

首句謂怨家投
李長吉詩廁中

才氣田侯絕世奇山丘零落更堪悲休驚燕子詩

留在化鶴歸來未可知

前高山雜詩七首

夢寐煙霞卜四隣眼明今日出紅塵山中景趣君

休問谷口泉聲已可人

山經地志摠難憑鄉社流傳太俗生前後兩高從

我改合教松海作新名

蚊聚蛙喧杳不聞已甘麋鹿與同群胷中所得知

多少半是青松半白雪
天池一雨洗氛埃全晋堂
四望開不上朝元峯堂
北頂真成不到此山來
世上初無物外緣人間
却有洞中天如何長伴
王居士買盡青山不用錢
白驢前日鳳山迴為愛
朝元復此來却憶廣陵
劉老子醉吟應在釣魚
臺白首同歸未省曾青
山獨往竟誰能莫嫌麋
鹿無情識比似人間少
愛憎

楚山清曉圖

雨潤煙濃十二峯雲間
合有楚王宮遙知別後
西州夢一抹春愁淺淡
中

題石裕卿郎中所居四詠

寓樂堂

北心安處是真歸念念
今知故習非一首新詩
一盃酒五陵裘馬自輕
肥

德恒齋

養心如虎亦良勤血戰
紛華老冊勲百草千花
過春兩白衣蒼狗看浮
雲

雪巖

負松勁栢四時春
霽月光風一色新
置屋懸崖儘
堪老層水千里只愁人

聲齋

弓刀陌上未知還
心寄漁郎筭箸間
名作聲齋疑
未盡培山衣鉢在遺山

贈李子範家兒子

神理乘除不偶然
只疑陽報向君偏
試評掌上明珠價
幾倍諸家覓藥錢

跋文獻公張果老圖

耆舊能談相國賢
功名欲占冷巖前
清風萬古猶

應在未用仙公甲子年

三鄉雜詩三首

夢寐滄洲爛熳游
西風安得釣魚舟
薄雲樓閣尤
烘暑細雨林塘已帶秋

尖新秋意晚晴中
六尺筇枝滿袖風
草合斷橋通
暗綠竹搖殘照漏疎紅

溪南老子坐詩窮
到簞瓢更屢空
五鳳樓頭魚窮
手段碧鷄坊外有家風

釣州道中

野陰莽蒼日將夕
歲律崢嶸風有聲
從昔南山歌

短褐何時北闕請長纓

遺山先生文集卷第十三

遺山先生文集卷第十四

七言絕句

榆社硤口村早發

瘦馬長途懶着鞭
客懷牢落五更天
幾時不屬鷄
穀管睡徹東窓日影偏

十月二十日雪

和氣休論歲欲豐
且看蒞穢一時空
臨高賞雪人
何限誰在瓊瑤世界中

同兒輩賦未開海棠二首

翠葉輕籠豆顆勻
煙脂濃抹螭痕新
殷勤留着花

稍露滴下生紅可惜春
枝間新綠一重重小蕾深藏數點紅愛惜芳心莫
輕吐且教桃李鬧春風

哭曹徵君子玉二首

去歲流言到處疑聞君哭我不勝悲今年我在君
先沒淚盡荒城君得知
逸墳三匝去無因千里冰霜半病身斗酒隻鷄孤
舊約素車白馬屬何人

二十六日早發安主道中雨水冰

玉樹瑤林世界寬
水冰真作兩花看
青青也被糊

塗盡松栢何曾保歲寒

書貽第三女玢

珠圍翠繞三花樹李白桃紅一捻春看取元家第
三女他年真作魏夫人

隱秀君山水為范庭玉賦

萬壑風煙入座寒六銖仙帔想驂鸞多少金闕畫
眉手吳山總得鏡中看

送子微二首

老年鞍馬不勝勞更向狐裘與緼袍到了龍門有
何好伊川清淺石樓高

古來何物是經綸一片青山了此身亂後洛陽花
木盡不妨閑作水南人

楊秘監馬圖

天閑誰省識真龍金粟堆前草色空忽見畫圖疑
是夢東華馳道麝香驄

岳山道中

野禾成穗石田黃山木無風雨氣涼流水平岡儘
堪畫數家村落更斜陽

雪行圖

太一仙舟雲錦重新郎走馬杏園紅騎驢麪殺吟

詩客到處相逢是雪中

寄杜莘老三首

夢裏雲山一卧屏先生畫筆果通靈不妨行藥長
安市總是前生許道寧

一片青山共白雲春林煙景入晴曛祝君老眼明
於鏡豪末清妍子細分
盃酒殷勤興不孤更教懷袖得新圖綠囊自是君
家物醫得煙霞痼疾無

巳酉四月十七日度石嶺

四海虛名直幾錢世間何限好林泉無情石嶺關

頭路行去行來又十年

劉君用可庵二首

末節繁文費討論經生規矩是專門惡惡不可惡

惡可笑殺田家老瓦盆

着脚繩橋已足憂邯鄲匍匐更堪羞惡惡不可惡

惡可大步寬行老死休

惡音烏

耀卿西山歸隱三首

馬卿為耀卿張君寫
真未幾被召北上

靜裏簞瓢不厭空北窓元自有清風傳岩只道魚

人識已落君王物色中

馬卿似與物為春難狀靈臺下筆親預拂青山一

片石異時真是卷中人

寇劍雲臺大縣侯富春漁釣一羊裘山林鐘鼎魚

心了誰是人間第一流

雪岸鳴鷓

離離殘雪點荒蕪更看幽禽慘淡中笑殺畫簾雙

燕子秋千紅索海棠風

東丹騎射

意氣曾看小字詩畫圖今又識雄姿血毛不見南

山虎想得弦聲列石時

虛名

虛名不直一錢輕
喚得呶呶百謗生
可惜容兒頭上髮
也隨春草鬪輸贏

投書圖二首

一東空書不療飢
浮沉隨水恰相宜
醬蒙藥楮輕拋却
却是洪喬見事遲
屈作書郵未肯心
百函隨水聽浮沉
虛名底用寒溫問
却是洪喬最賞音

題劉成卿小字難素冊後二首

伎道精微得處難
書林頭白一儒冠
陰功厚薄君休問
只就蠅頭細字看

齒牙餘論足輝光
東國人倫趙與楊
曾是兩翁門下客
殘年袖手亦無妨

龐都運山水

門闌喜色到崔盧
文賦聲名遍兩都
重為溪山感疇昔
風流還有北翁無

歸義僧山水卷

崧少經行二十春
野麋山鹿盡情親
而今身落京塵底
畫出林泉亦可人

武善夫桃溪圖二章

物外煙霞卜四隣
武陵不是避秦人
軟紅香土君

休羨千樹桃花滿意春
金罽繡繡六月寒桃花春夢隔征鞍青山歸計何
時辨畫卷空留馬上看

巢雲曙雪圖武元直筆明昌名士題詠
風流人物見承平半向巢雲有姓名畫手休輕武
元直胷中誰比玉崢嶸

書扇贈李湛然

江楓搖落海門秋水無風月半樓未要吳儂誇
勝槩已從詩境得天游

普照范鍊師寫真三首

嚮日神仙看地行只今煙駕想雲程石梁畫出西
流寺魚復鏗然曳杖聲

傾蓋論文了歲寒眼中人物似君難流波意在誰
真識未絕朱弦已廢彈

鶴骨松姿又一奇化身千億更無疑人間只說乘
風了靚面相呈却是誰

祖唐臣所藏樗軒畫冊二首

綠淨紅香夢已空草黃沙白思無窮波間野鴨渾
無賴長着詩人恹澹中敗荷野鴨
牧笛無聲畫意工水村煙景綠揚風題詩憶得樗

軒老更覺升平是夢中
風柳牧牛

客意

雪屋燈青客枕孤
眼中了了見歸途
山間見女應相望
十月初旬得到無

走筆題十老會請疏

痛飲形骸百不成
天教鄉社送餘生
病夫近日添新喜
十老圖中有姓名

七夕

天街冉冉素光移
雲錦機閑漏箭遲
誰與乘槎問銀漢
可無風浪借佳期

避兵陽曲北山之羊谷題石龕

冥鴻正恐絳疑網
脫兔不忘投茂林
世故驅人真有力
天公困我豈無心

壬子寒食

兒女青紅笑語譁
秋千環索響嘔啞
今年好箇明寒食
五樹來禽拾放花

馬雲卿畫紙衣道者像

太古清風匝地來
紙衣長往亦悠哉
鐵牛力負黃河岸
生被曹山挽鼻迴

過威州鎬厲王故居

天道循環只眼前果誰烈焰與寒煙種瓜四摘渾
閑事抱蔓無人更可憐

真味齋

竈飯寒釐老此身高人那計甌生塵味無味處君
知否道着琴書已失真

歸義興侍者溪山蕭寺橫軸

石磴雲松百八盤東峯日上海波寒老來丘壑風
流減却就禪房覓畫看

雲漢此畫甚有泰山典刑因
記東峯看日出時故有此句

喬夫人彩繡仙人圖

絲服仙童畫不如直疑萊子戲庭除青紅未是春

風巧一頌根花更有餘

出山像

不見恆星莫漫驚日頭從此向西生只知大事因
緣了依舊雲門望太平

胡壽之待月軒三首

一幅清風竹寫生月華霜白紙如冰天公老筆無
今古枉却坡詩說右丞

愛竹髯叅發巧新能教一影具形神千門萬戶清
光裏袖手東窗有幾人

形似何曾有定名每從游戲得天成墨君解語應

須道猶欠風琴一再行

論詩三首

坎井鳴蛙自一天江山放眼更超然情知春草池
塘句不到柴煙糞火邊

詩腸搜苦白頭生故紙塵昏枉乞靈不信驪珠不
難得試看金翅擘滄溟

暈碧裁紅點綴勻一回拓出一回新鴛鴦繡了從
教看莫把金針度與人

超禪師晦寂庵

無波古井靜中天三尺藜床坐欲穿一語調君君

莫笑妙高峯頂更超然

自題寫真

東塗西抹竊時名一線微官悞半生不畫幻輿岩
穴裏野麋山鹿欲何成

贈寫真田生三章

人物翩翩美少年書中穎悟亦天然燕南只道丹
青好棄擲泥塗自可憐

萬態千形畫裏看人人眉目與衣冠情知不是裴
中令一片靈臺狀亦難

市井公卿萬不同依然見解一兒童張顛草聖雄

千古却在孫娘釵器中作邈不同

贈高君用君益從弟

杏苑仙郎合探花
虛傳佳句滿京華
丁寧王謝堂前燕
文采風流有故家

周才卿拙庵

詩筆看君有悟門
春風過水略無痕
菴名未便遮藏得
拙裏元來大巧存

郭大方自適軒

自適還曾自適無
半生枯寂坐禪居
馬卿若也知人意
只畫梁家舉按圖

風柳鳴蟬

輕明雙翼晚風前
一曲哀箏續斷絃
移向別枝誰畫得
只留殘響客愁邊

晴景圖

白日青天下筆難
要從明潤細尋看
藏山只道雲煙好
畫史而今盡熟謾

僧寺阻雨

山氣森岑入葛衣
砧聲偏與客心期
僧客連夜蒲瀟雨
又較歸程幾日遲

金山

攢青疊翠幾何般玉鏡脩眉十二環常著一峯煙
雨裏苦才多思是金山

王子文琴齋

天上秋風月底霜求凰一曲鬢絲長相如四壁消
何物直要文君典鷓鴣

覃彥清飛雨亭橫披

百道懸流注夜光畫中亭榭亦清涼何人與問長
安客赤日黃塵有底忙

讀漢書

室方隆棟非難構水到頽波豈易迴豐沛帝鄉多

將相莫從與運論人材

內相楊文獻公哀挽三章效白少傅體

征南諫疏無多語大度高皇有至仁留得青囊一
丸藥異時猶可活斯民

中臺啓事山吏部東閣詞臣何水曹松柏蕭蕭一
丘土龍門依舊泰山高

姓名三字金甌重事業千年片簡青試向雲間望
光彩看從何地現文星

石勒問道圖

輕比韓彭作李陽高僧久已笑君狂中原果有劉

文叔肯說鈴聲替戾岡

花光梅

草聖前頭一樹春豪華落盡只天真
寫生今向君家見疑是花光有兩身

舊與趙景溫

浮雲流水易西東回首梁園似夢中
一別十年今又別酒尊能得幾迴同

夏山風雨

滌澹經營有許功吳僧誰得嗣宗風
情知一雨收晴了更沒塵沙到坐中

秦雲淡冶

一抹平林素練橫數堆寒碧白煙生
春雲可是多姿態五字常郎畫不成

雪谷早行圖二章

雪擁雲橫下筆難爭教萬景入荒寒
詩翁自有無聲句畫裏憑君細覓看

畫到天機古亦難遺山詩境更高寒
貞元朝士今誰在莫厭明窓百過看

胡叟楚山清曉

剪得吳松一片秋江山小筆也風流
卷中未有題

詩客留得才情趙倚樓

辛亥九月未見菊

黃菊霜華日日添也應有意醉陶潛鬢毛不屬秋
風管更揀繁枝插帽簷

荅俊書記學詩

詩為禪客添花錦禪是詩家切玉刀心地待渠明
白了百篇吾不惜眉毛

夜宿山中

月華人影共徘徊未算歸程夢已迴澗水悲鳴易
愁絕長松送雨聲來

臺山雜詠十六首 甲寅六月

登臨風有改鄉緣試手清涼第一篇知被錢郎笑
寒乞不將錦繡裹山川

西北天佐五頂高茫茫松海露靈鰲太行直上猶
千里井底殘山枉叫號

萬壑千崑位置雄偶從天巧見神功湍溪已作風
雷惡更在雲山氣象中

顛風作力掃陰霾白日青天四望開好箇臺山真
面目爭教坡老不曾來

山雲吞吐翠微中淡綠深青一萬重此景祇應天

上有豈知身在妙高峯
山上離宮魏故基黃金佛閣到今疑異時人讀清
涼傳應記諸孫賦忝離
一國春風帝子家綠雲晴雪間紅霞香綿穩藉僧
溪草蜀錦驚看佛鉢花
沉沉龍穴貯雲煙百草千花雨露偏佛土休將人
境比誰家隨步得金蓮
兜羅綿界寶光雲雲際同瞻化現身解脫文殊俱
有說是中知有木強人
真向華嚴~~是~~化城翻嫌金屑翳雙明惡惡不可惡

惡可未要~~要~~門望太平

惣為毗耶口不閉龍宮華藏頓塵埃對談石在維
摩在珍重曼殊更來

咄嗟檀施滿金田遠客游臺動數千大地嗷嗷困
炎暑山中多少地行僊

石罅飛泉水齒牙一盃龍焙雪生花車塵馬足長
橋水汲得中冷未要誇

凜凜長松卧澗阿提壺悲嘯撫寒柯萬牛不道丘
山重細路~~公~~雲柰爾何

熱惱消除佛作緣山頭水雪過央天法王悲智無

窮盡更看清涼遍大千

靈地不與世相關時復蜿蜒水石間何處天瓢待

霖雨一龕香火梵仙山

跨牛圖

才子唐人寇眼作哦詩狀牛後帶琴書

畫出非平古意同江村渺渺綠楊風看來總是哦

詩客遠勝騎驢着雪中

隨駕張珪似是摹古人本

贈湛澄之四章

眼花看碧漸成朱兀兀陶陶樂有餘柳岸醉僧堪

一笑強教分別竟何如

兒女團樂廢行婆漉籬活計苦無多布囊歸去詩

千首猶欠旋蛙墨一螺

十年不見山堂老賴有澄之在眼中揔道木庵枯

淡好東風花柳各青紅

散聖風流有別傳漆瞳一照出人天石門故事君

知否好佐涪翁學刺舡

乙卯二月二十一日歸自汴梁二十五

日夜久旱而雨偶記內鄉一詩追錄

於此今三十年矣

桑條沾潤麥溝青軋軋耕車鬧曉晴老眼不隨花

柳轉一犁春事寂關情

三門集津圖

南北爭教限大江。吳。終了又陳亡。畫工只說三家。門險不記茅津一帶航。

乙卯端四日感懷

衰年那與世相關。苦被詩魔不放閑。好箇舊家長樂老。無才無德只痴頑。

山村風雨扇頭

摠為詩翁發興新。直教畫筆亦通神。莫嫌風雨無多景。截斷黃塵亦可人。

跋蕭帥鷺鴛敗荷扇頭

徐榮之畫

蕭蕭煙景帶霜華。公子風標浪自誇。可道浣花詩境好。鷓鴣鷓鴣滿晴沙。

袁顯之扇頭

雙鷺聯拳只辨愁。枯荷折蒂更窮秋。風流綠影紅香底。好箇鴛鴦百自由。

贈司天王子正二首

慣見河邊織女機。枯槎八月未成歸。樓遲零落今如此。枉却星翁比少微。

天容海色本澄清。萬古東方有啓明。七十七年強健在不方林。下看外平。

工部趙侍郎下世日作

鶴骨脩然卧石床
情知合眼即仙鄉
安時處順吾儒事
枉却南華說坐忘

跋耶律浩然山水卷

六月三泉松桂寒
西風早晚送歸鞍
無因料理黃塵了
只得青山紙上看

貞燕二首

杏梁雙宿復雙飛
海國爭教隻影歸
想得秋風漸涼冷
謝家兒女亦依依

污潔難將一類推
舊家紅綫可無疑
豚魚自是詩

家語輕擬庭劇恐未宜

楊祕監雪谷早行圖

息軒畫筆老龍眠
雪谷冰橋自一天
六月高樓汗如雨
豈知方外有詩僊

杜莘老夏日汾亭橫軸

杜侯老筆禿民意
黃閣清風有故家
庸俗紛紛小兒女
枉教塵土浣煙霞

武元直秋江罷釣

暮山明月曉溪雲
今古仙凡此地分
醉後任歌同漁叟
殘年何計得隨君

張彥遠江行八詠圖 奉使時所見

楚江平浸楚山流
放眼江山得意秋
一寸霜毫九雲夢
合教轟醉岳陽樓

題馮漕緩之頌人在澗橫軸 明先生畫

見說雲霄意氣豪
幾回攬鏡惜顛毛
不爭畫得林泉好
轉使山人索價高

題邢公達寒梅凍雀圖

褐衣相媚不勝情
只許乾暉畫得成
却被詩人笑寒乞
一枝風雪可憐生

秀隱君山水

烏鞵踏破軟紅塵
未信溪山下筆親
圖上風煙有蕭洒
畫家亦有魏夫人

同梅溪賦秋日海棠二章

錦水休驚散彩霞
換根元自有靈砂
瓊枝不逐秋風老
自是人間日易斜
翠袖紅粧又一新
秋風秋露發清真
丹青寫入梅溪筆
桃李從今不算春

梁氏先人手書

玄蚪飛跳九天門
秦火驚看片紙存
耆舊風流知未減
青衫還見讀書孫

薊北杜國寶以真定教官李進之所讓
大父中憲公及其先人帥府從事行
狀見示用題三絕其後

揔道清流解致君白袍唐日已紛紛科名屈殺漁
陽老章甫何人不惠文

兒戲將軍百不知枉將壁壘付安危論功總得鹽
山令堂上奇兵果是誰

堂掾談經見蚤成諸郎難弟復難兄長留北海文
章在千古雲麾有姓名

贈訾子野高士三章

僂翁高第獨君優胃次清明辨九流我是愚溪一
愚叟不妨同醉訾家洲

月且今誰許與陳乍賢乍佞日紛紜鸞肩燕頤非
吾事一片靈臺欲付君

虛名玉表或礮中薄命何堪與共功東國人倫要
真識好將傳與黑頭公

戲相師

珥貂簪筆起鉏犁何必人人慣伏犀胃次九流君
自了看來唯少醉如泥

留贈舟陽王鍊師三章

信得人間比夢間一卮芳酒且開顏當時笑伴今
誰在詩客淒涼飯顆山
爛醉玄都有舊期百年人事不勝悲桃花一簇開
無主留着東風與兔葵
弊盡貂裘白髮新京華旅食記前身僊翁相見休
相笑同是邯鄲枕上人

遺山先生文集卷第十四



